

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
Uprava policije
S A R A J E V O

Broj: 02/PK-1-773/11
Datum: 20.07.2011. godine

SKUPŠTINA KANTONA SARAJEVO
N/r Predsjedavajuće

Predmet: Poslaničko pitanje, poslanika
Hadžan Konjo, informacija dostavlja se.-

Veza: Akt Skupštine Kantona Sarajevo broj: 01-05-20081/11
od 28.06.2011.godine

Poslanik, Hadžan Konjo, na Petoj, Redovnoj sjednici Skupštine Kantona Sarajevo, održanoj dana 28.06.2011.godine, postavio je poslaničko pitanje u vezi događaja od 22.06.2011.godine oko 14,30 sati, navodeći da je tom prilikom bilo upotrebe sile od strane policije obzirom da je jedan od učesnika tog incidenta, nakon upotrebe sile od strane policijskih snaga zadržan na hospitalizaciji u Kliničkom centru Univerziteta u Sarajevu, a druga osoba ženskog pola, poslije pružene lječarske pomoći je puštena kući.

U vezi sa navedenim izvršene su odgovarajuće provjere te je sačinjena informacija o kompletном događaju koji se desio dana 22.06.2011.godine u ulici Maršala Tita do broja 1, općina Centar Sarajevo.

U prilogu akta dostavljamo Vam navedenu informaciju, kao odgovor na poslaničko pitanje poslanika Konjo Hadžana.

S poštovanjem !

Prilog: kao u tekstu

POLICIJSKI KOMESAR
Generalni inspektor policije
Vahid Čosić

INFORMACIJA

sačinjena povodom postavljenog poslaničkog pitanja, Konjo Hadžana, poslanika u Skupštini Kantona Sarajevo, na okolnosti upotrebe sile, od strane policijskih službenika Prve PU – PS Centar Sarajevo, dana 22.06.2011.godine oko 14,30 sati u ulici Maršala Tita do br.1. općina Centar

Dana 22.06.2011.godiine oko 14,25 sati, od strane NN građanina, obavještena je Prva PU PS Centar da je došlo do saobraćajne nezgode u ulici Zmaja od Bosne, općina Centar, te je odmah na lice mesta izašla patrola od dva policijska službenika Prve PU PS Centar, u sastavu M. S. i A. M., koji su tom prilikom zatekli učesnike saobraćajne nezgode Š. A. iz Sarajeva i B. A. iz Sarajeva-Iliča.

Tokom vršenja uviđaja saobraćajne nezgode, B. A. je putem mobitela kontaktirala NN lica, te je na lice mesta došlo nekoliko NN lica, za koje su policijski službenici utvrdili da su u poznaničkom odnosu sa B. A., te su na osnovu ponašanja tih lica procjenili da bi moglo doći do narušavanja javnog reda i mira, te su zatražili pomoć drugih policijskih službenika, nakon čega je na lice mesta upućena još jedna autopatrola sa dva policijska službenika u uniformama Jedinice za spriječavanje narušavanja javnog reda i mira, u sastavu Ž. I. i M. B.

Obzirom na ove okolnosti, po završetku službene radnje sa Š. A. , isti se u pratnji policijskih službenika uputio u pravcu raskrsnice ulica Maršala Tita-Kralja Tvrtka kako bi uklonio, nepropisno parkirano vozilo nakon saobraćajne nezgode, da bi u jednom momentu dok su prolazili pored grupe NN lica koja su stajala neposredno do pomenute raskrsnice, a sa kojima je u predhodnom kontaktu bila drugi učesnik saobraćajne nezgode B. A., jedno muško NN lice, za koje je naknadno utvrđeno da se radi o B. M. iz Iliča, pritrčalo Š. A. i iznenada ga stisnutom pesnicom udarilo u predjelu glave. Istovremeno dok je trajao protivpravni napad na Š. A., u cilju zaštite i njegove lične sigurnosti, policijski službenici Prve PU PS Centar, Ž. I. i A. M. su prema napadaču B. M., upotrebili silu-fizičku snagu i sredstva za vezivanje, te istog lišili slobode i smjestili u službeno vozilo.

U momentu spriječavanja protivpravnog napada na Š. A. i lišenja slobode B. M., prema Š. A. se uputilo drugo muško NN lice koje se nalazilo u istoj grupi, za kojeg je naknadno utvrđeno da se radi o A. A. iz Iliča, sa istom namjerom da izvrši protivpravni napad na Š. A., a kojeg je u njegovoj namjeri, bez upotrebe sile svojim položajem tijela spriječio policijski službenik Prve PU PS Centar M. B .

U jednom momentu, Š. A. je počeo bježati, trčeći u pravcu ulice Zmaja od Bosne, kojom prilikom se drugi napadač, A. A., uputio za njim te ga je u jednom momentu sustigao i zadao mu jedan udarac, nakon čega je Š. A. nastavio da bježi, kojom prilikom ga je A. A. ponovo sustigao, te mu tom prilikom zadao više udaraca nogama i rukama po raznim djelovima tijela, oborivši Š. A. na tlo. Ovom prilikom, istovremeno dok je trajao protivpravni napad, policijski službenik Prve PU PS Centar M. S. je pritrčao do A. A., te prema istom upotrjebio silu-fizičku snagu hvatajući istog iza leđa preko ruku i pojasa, te istog fizičkom snagom odgurao u pravcu službenog vozila, gdje su zatim prema navedenom licu upotrebljena sredstva za vezivanje „lisice“, nakon čega je i A. A. lišen slobode.

Nakon lišenja slobode B. M. i A. A. su smješteni u službeno vozilo a zatim od strane policijskih službenika Ž.I. i M. B., prevezeni do službenih prostorija Prve PU PS Centar.

Prilikom upotrebe sile od strane policijskih službenika prema navedenim licima, lakše su povrijedjeni policijski službenici Ž. I. i A. M., dok posljedica od upotrebe sile prema navedenim licima nije bilo.

Po dolasku u službene prostorije, utvrđen je identitet navedenih lica i preduzete druge službene mjere i radnje, kojom prilikom je B. M. i A. A., u skladu sa propisanom procedurom ponuđeno da se podvrgnu ljekarskom pregledu, što su isti odbili, dok je na licu mjestu ostala patrola policije u sastavu M. S. i A. M., radi završetka uviđajnih radnji saobraćajne nezgode i ukazivanja ljekarske pomoći povrijedenim licima, kojom prilikom je od strane osoblja Hitne medicinske pomoći ukazana ljekarska pomoć Š. A., koji je imao više vidnih povreda, te je nakon toga upućen na KUM KCUS Koševo radi daljeg lječničkog tretmana. Naknadno je od strane dežurnog doktora KCUS Sarajevo utvrđeno da je Š. A. ovom prilikom zadobio lakše tjelesne povrede.

Policijski službenici M. S. i A. M. su nastavili sa preduzimanjem službenih radnji uviđaja saobraćajne nezgode, kojom prilikom je uzeta pismena izjava na zapisnik od drugog učesnika saobraćajne nezgode B. A. Po dolasku ekipe Hitne pomoći na lice mjestu, B. A. nije zahtjevala ljekarsku pomoć niti se žalila da je na bilo koji način zadobila povrede.

O događaju su obavješteni dežurni tužilac Kantonalnog tužilaštva u Sarajevu i dežurni sudija Općinskog suda u Sarajevu-Prekršajno odjeljenje, te nakon preduzetih službenih radnji, licima B. M. i A. A., su zbog učinjenog prekršaja fizičkim napadom na Š. A., iz člana 8.stav.5.tačke a) Zakona o prekršajima protiv javnog reda i mira, uručeni prekršajni nalozi, na koje isti nisu imali primjedbi te su u skladu sa odredbama Zakona o prekršajima F BiH, po istim prihvatiли odgovornost, nakon čega su istog dana oko 18,00 sati, otpušteni iz službenih prostorija.

Prva PU PS Centar je u skladu sa propisanom procedurom Zakona o policijskim službenicima Kantona Sarajevo i Pravilnikom o upotrebi sile, provela postupak utvrđivanja činjeničnog stanja i upotrebe sile-fizičke snage i sredstava za vezivanje „lisica“ nad B. M. i A. A., kojom prilikom je formiran spis o upotrebi sile, a koji je u skladu sa zakonom propisanom procedurom, dostavljen MUP-u Kantona Sarajevo.

Prilikom uzimanja pismene izjave u prisustvu punomoćnika, K. M. – advokata iz Sarajeva, B. M. je na zapisnik o saslušanju svjedoka, izjavio da su prilikom lišenja slobode policijski službenici upotrijebili nepotrebnu silu od kojih je navodno zadobio povrede, te da je spreman naknadno dostaviti medicinsku dokumentaciju, koju nije dostavio, dok je njegov punomoćnik pojasnio da će MUP-u Kantona Sarajevo biti dostavljen zahtjev za sprovodenje unutrašnje istrage u vezi navedenog događaja.

Drugo lice prema kojem je upotrebljena sila A. A. je dostavio pismenu izjavu u kojoj navodi da nema nikakvih primjedbi na rad policije, te da je i prihvatio odgovornost za počinjeni prekršaj po uručenom prekršajnom nalogu.

Takođe, prilikom saslušanja u svojstvu svjedoka, B. A. je izjavila da je prilikom lišenja slobode njenog brata B. M., jedan policijski službenik i prema njoj upotrijebio silu i udario je bez razloga, te da je iz tih razloga naknadno tražila ljekarsku pomoć.

Preduzimajući mjere i radnje na utvrđivanju zakonitosti upotrebe sile od strane policijskih službenika Prve PU PS Centar, dana 23.06.2011.godine, Prva PU PS Centar se aktom broj 02/4-1-1-04-2111/11 obratila MUP-u Kantona Sarajevo –Odjeljenje za analitiku i planiranje, za dostavu izvoda iz kaznene i operativne evidencije za lice B. M., po kojem je dostavljen odgovor da je navedeno lice ubilježeno u kaznenoj evidenciji.

Takođe, Prva PU PS Centar se aktima broj 02/4-1-1-04-2112/11 i 02/4-1-1-04-2113/11 od 23.06.2011.godine, obratila MUP-u Kantona Sarajevo –Odjeljenje za analitiku i planiranje, za dostavu izvoda iz kaznene i operativne evidencije za lica A. A. i Š. A., po kojima je dostavljen odgovor da navedena lica nisu ubilježena u kaznenoj i operativnoj evidenciji.

Nakon izvršenog uvida u spis i izvršene ocjene i analize iste, pojedinačno i u međusobnoj vezi sa ostalim pisanim dokazima i izjavama saslušanih svjedoka, utvrđeno je da nema činjenica koje bi upućivale na zaključak da su navedena sredstva sile upotrebljena na nezakonit način, te je u skladu sa odredbama člana 32.stav. 4. Zakona o policijskim službenicima Kantona Sarajevo, Policijski komesar ocjenio da su sredstva sile-fizička snaga i sredstva za vezivanje od strane policijskih službenika Prve PU PS Centar, prema licima B. M. i A. A., upotrebljena u skladu sa Zakonom o policijskim službenicima i Pravilnikom o upotrebi sile (Službene Novine Kantona Sarajevo broj 4/07)

Kompletna dokumentacija vezano za intervenciju, te upotrebu i pravdanje sredstava sile, dostavljena je Sektoru kriminalističke policije MUP-a Kantona Sarajevo, te je navedeni događaj još uvijek predmetom kriminalističke obrade.

Sarajevo, 20.07.2011.godine